

Ndwen 7, Vazcangh daihhag biz–yez lo, gagnyienh bae yozyau iq mbanjsae son saw. Vazcangh bae couh son aen ban suyo^z it nienzgaep, aen ban de cij miz 30 lai boux hagseng. Yozyau iq neix liz vanzsiuj ndaw cin haemq gyae, byaij loh^{sae}q gemhbya aeu 30 lai faencung cij daengz.

Vazcangh bouxvunz mbouj sang mbouj daemq, byoem roi faen baenz song mbiengj. De gig maij gangjriu. Miz ngoenz he, daxmeh de doiq de naeuz: “Seiz doegsaw, byawz bang mwngz gvaq, seizneix mwngz okdaeuj gunghcoz lo, yaek rox bauqaen bw. Gaenx guhhong dem, gaej dasang lai…” Vazcangh dap: “Rox la.”

Ngoenzhaenx, Vazcangh bae cin vanzsiuj bauqdaengz. Yaucangj doiq de naeuz: “Angqcoux mwngz daeuj yozyau raeuz son saw, gizneix raeuz miz 10 boux lauxsae, cij miz mwngz dwg daihhagseng. Doeklaeng dou miz maz vwndiz mbouj rox, couh ndaej cam mwngz lo…” Vazcangh riu dwk naeuz: “Neix dwg wnggai…”

Miz dangz goq ndeu, Vazcangh son cibgeij gemj geij doiqvih gemj^{fap}, de naeuz: “Govih mbouj gaeuq gemj, daj cibvih doiq 1, dang 10 gya soq gwnz govih bae, yienghneix liux caiq gemj. Lumj 12 gemj 7, govih 2 beij 7 siuj, mbouj gaeuq gemj, ndaej daj cibvih doiq 1 daeuj daengz govih,

Vazcangh Bienq Lo

华章变了

□ Hoz Cunchliuj / 何宗柳

dangq baenz 10 doeklaeng caiq gya 2 baenz 12, 12 gemj 7 ndaej 5, yienghneix dwg cungj suenq^{fap} ndeu; hix ndaej doiq 1 daengz govih dangq 10, sien aeu 10 bae gemj 7 ndaej 3, 3 caiq gya gwnz govih 2 yenzlaiz ndaej 5…” Seizhaenx, miz dah hagseng ndeu cam de: “Lauxsae, lij miz gij wng suenq^{fap} lwi?” Vazcangh gangj: “Mbouj miz lo.” Dah hagseng neix naeuz: “Miz. Boh gou son hawj gou gvaq, sien dawz soq gwnz govih doxbeij, 2 beij 7 siuj 5 roxnaeuz 7 beij 2 lai 5, ciq cibvih 1 daengz govih dangq 10, 10 gemj 5 ndaej 5, hix baenz ba?” Vazcangh dingq le, naj–mong dwk naeuz: “Baenz, baenz. Mwngz caen coengmingz! Caezgya itheij bekfwnz haenh de.”

Duenhgauj sat lo, cingzcik ban Vazcangh ndaej mingz cei^q doek–laeng, cei^q yaez lo. Gaxgonq de dasang, raen vunz hix mbouj dongx, nyinhnaeuz it nienzgaep de laepda hix son ndaej ndei. Seizneix, Vazcangh

lumj aen giuznaeng baihdaw mbouj miz saek di hei^q nei.

Ndwen 12, miz ngoenz he banhaemh, mbanjsae miz boux goeng–geq he dawz cei^jhoengz daeuj daengz yozyau cingj Vazcangh sij fuk doiq he, de naeuz ngoenzcog lwg de yaek aeu bawx, de siengj diep youq bakdou song bai^h, yawj gig angqhoh. Vaz–cangh cingq gaij cozyez, baez dingq, doeksae^t caez, aek diuq bubbub. De riu dwk naeuz: “Gou hong nyaengq lai, caj gou guh sat caiq sij hawj mwngz, haetcog mwngz menh daeuj aeu baenz mbouj baenz?” “Baenz a, docih mwngz, ngoenzcog bae gwn laeuj bw!” Boux goenggeq ngamq okbae yaep he, mbwn couh ci rumz doek fwn lo. Ngoenz daihngeih, mbwn gvengq lo, caezgya daeuj ranz boux goenggeq neix hoh lwg de aeu bawx, raen gij doiq bangx dou ranz de ei^qsei gig ndei, cih mauzbit gig lengj. Cam cij rox dwg Vazcangh sij le, bouxboux haenh mbouj dingz bak. Vazcangh

dingq le, mbouj gangj vah.

Gizgauj sat, cingzcik ban Vaz–cangh caeuq duenhgauj doxdoengz, Vazcangh daengx ndang mbouj cw–caih.

Cuengqgyaj lo, Vazcangh ngoenz–ngoenz youq ranz yawj saw sij cih. Daxmeh gamjdaengz geizheih couh cam de: “Doegsaw dauq, mwngz gik yaek dai, vihmaz seizneix youh gaenx doegsaw moq?” “Meh, mwngz mbouj rox, haemh haenx boux goenggeq ndeu bae cingj gou sij fuk doiq he. Gou mbouj rox sij cih mauzbit, engq mbouj rox sij gijmaz youq gwnz doiq cij ndei. Gou daengx hwnz soemhfwⁿ bae cin vanzsiuj cingj yaucangj bang gou sij ndei liux youh doq dauqma yozyau. Gwnz loh laemx geij mbat, buhvaq dumzuq liux caez, sinhoj raixcaix. Son saw buenq bi, gou cij rox, gou yienznaeuz dwg daihhag bizyez, hoeng, miz haujlai doxgaiq gou mbouj rox, lij aeu dajgoek hag hwnj cij baenz bw.” “Huk ha, mwngz mbouj rox gangj mwngz mbouj rox sij ma.” “Meh ha, daihhagseng dang lauxsae, naeuz mbouj rox sij fuk doiq ndeu baenzlawz gangj ndaej bae?” Daxmeh de naeuz: “Cihsiz laeg fouz daej, aeu laebdaeb hag cij rox gij moq, byawz hix dasang mbouj ndaej bw.” Vazcangh dingq le, ngaekgyaeuj dwddwd.

gojsaeh iq

Hauzmij Ndeu

1 毫米

Miz aen cangj gaucatheuj ndeu, canjbinj cizlieng gig ndei, baucang ndei^{yawj}, gyoengqvunz cibfaen maij bae cawx gij huq neix. Ngaenz gaihuq aen cangj neix laebdaep 10 bi demgya. Hoeng, daengz daihcib’ it bi, gai mbouj ndaej baenzlai ngaenz lo, doeklaeng 2 bi hix dwg baenzneix. Gunghsw^h gyoengq ginghlij haihoih doxyaeng baenzlawz guh gai ndaej ngaenz lai di. Youq ndaw hoi^h, bouxcungjcaiz gunghsw^h naeuz: “Byawz siengj ndaej aen banhfap okdaeuj gaijgez gij

vwndiz neix, gou couh dajciengj 10 fanh maenz ngaenz hawj de.” Boux ginghlij mbauq he ndwn hwnjdaeuj, ndenq mbaw cei^j ndeu hawj bouxcungjcaiz, bouxcungjcaiz neix yawj liux, doq ciem mbaw feiceingaenz miz 10 fanh maenz ngaenz ndeu hawj boux ginghlij neix. Gwnz mbawceij sij miz: Dawz aenbak gaucatheuj seizneix hai hung hauzmij ndeu. Bouxvunz ngoenznaengz gyanghaet nyaenj gaucatheuj raez doxdoengz, hoeng, aenbak mbe’ gvangq hauzmij ndeu, boux vunz he couh lai yungh gaucatheuj hauzmij ndeu gvangq, yienghneix ngoenz ndeu yaek yungh bae gaucatheuj geijlai ne! Doeklaeng, gunghsw^h neix cungj vuenh gij baucang gaucatheuj bae. Daengz daihcibsei^q bi, gunghsw^h neix couh youh gai ndaej haujlai ngaenz dauq moq lo.



Haeuxnaengj haj saek.

Veiz Gozcingh Sangcieng Cawj–guenj Guengjsae Ngeihcib Bi

韦国清上将主政广西二十年

□ Hoz Saubangjsij Cioz Siengzcoub Liuz Gingliuj Cioz Siengzgen boiz

dieg youq donh dah gwnz Lungz–gyangh haenx. Aen camhfatdienh neix yienznaeuz gaenq dingzgoeng, geij cien boux minzgoeng gaenq sanq deuz, hoeng lij yaek ciuq gij fueng’ anq faisang guh roengzbae, seizneix cingq gyoebcomz ligliengh caenh’ itbouh raudamq deihcik、ra riz congghamj、cazliengz gij doenghdaiq raemxlajdieg、guh gak cungj sawqniemh gijrin, yienghneix ndaej fuengbienh caij–yungh cosih hab’ wngq. Mbangj vunz–caihhangz naeuz, deihcik Ya’ gyauz fukcab, cij ndaej guh faidaemq, yienghneix fatdienh couh bienq noix lo. Gyoengqde giyen, wnggai senj gij

doih caepguh、sezgi caeuq raudamq dienhraemx haenx bae Dahraemx–hoengz, youq bai^hde guh aen camhfatdienh hung, mboujnex couh nguh seizndei, vih saeq saet hung lo.

Ginggvaq saeddieg gaujcaz caeuq diucaz, Couh Gvanghcunh yiengq Dangiveij Swcigih daezok yigen Ya’ gyauz roengzmax, Dava hwnjmax.

Gij cangzveij dangiveij nyinh–caen doxyaeng gij giyen de le, guh ok Dava hwnjmax aen gietdingh neix. Camhdienhraemx Ya’ gyauz doeklaeng deng gaij baenz fueng’ anq faidaemq, youz Digih Hozciz laebdaeb guh, gij yungzlieng canggih cij miz 8800

cienvax.

Youz Lungzgyangh cienjhoenx daengz Dahraemxhoengz, aenneix dwg aen diemjcienjvan dienhraemx Guengjsae hwngfat ndeu.

Veiz Gozcingh naeuz: “Raeuz gaej hawj gij raemx Dahraemxhoengz begbeg lae bae lo, raeuz yaek yiengq Dahraemxhoengz aeu dien^h, gaijgez aen vwndiz Guengjsae yungh dien^h.” Anh Bingzswng^h、Gyauz Siujgvang^h、Cinz Yinggih、Liuz Cunggvei daengj vunz, cungj doengzeiq gij siengj^{fap} Veiz Gozcingh, nyinhnaeuz gij vah de dwg gij gezcwz naemj ndaej gyae.

(caengz sat)

Veiz Gozcingh daj canloz gwnzde ngeixnaemj, cawjcieng guh Dava baenz dai^h’ it aen camhfatdienh gaepmbaek haifat Dahraemxhoengz. Gyoengq boux cangzveij dangjveij ndaw gih cungj doengzeiq gij yigen de, hoeng ciuqyiengh iugouz aen cujiq dazyinx gviveh caiq bae guh lwnhcingq caenh’ itbouh dem.

Doengzbi ndwen 11, youq Dahraemxhoengz doengruz ngoenz haenx, aen ranzbanhgoeng cujiq dazyinx yungh singhgiz ndeu bae guh baez gaujcaz saeddieg. Couh Gvanghcunh caeuq Vuz Cancih boux fucujyin Genveij Swcigih cungj camgya gvaq, lij miz bang lauxhangz dienhraemx dem. Gyoengqde youq Ngodanh naengh aen ruzeiz saeq nyig dah hai hwnj bae, bouxboux cungj dawz aen giengouqseng, caemh daiq bae haujlai dang’ an swhliu youq gwnz ruz, gunghawj gwnz loh cazyawj gak aen diegfai guh gaujcingq.

Couh Gvanghcunh daengj vunz gaujcaz Dahraemxhoengz le, lij bae diucaz le aen Camhfatdienh Ya’ gyauz